

Դրամաշնորհային հաշվետվություն N 4

1. Ընդհանուր տեղեկատվություն

Ծրագրի անվանում	«Տարեցների և հաշմանդամություն ունեցող անձանց տնային պայմաններում խնամքի ծառայություններ»
Դրամաշնորհի N	Լոտ 2. Երևան – Ավան
Դրամաշնորհատու կազմակերպություն	ՀՀ աշխատանքի և սոցիալական հարցերի նախարարություն
Դրամաշնորհառու կազմակերպություն	«Առաքելություն Հայաստան» բարեգործական հասարակական կազմակերպություն
Ծրագրի իրականացման ժամանակահատված	01.01.-31.12.2022թթ.
Հաշվետու ժամանակահատված	03.10.2022 - 30.12.2022թթ.
Ներկայացման օր	16.12.2022
Հաշվետվության պատասխանատու (անուն, ազգանուն, պաշտոն)	Մարգարիտ Հովհաննիսյան սոցիալ-առողջապահական ծառայությունները համակարգող

2. Բովանդակային հաշվետվություն

2.1 Խնդրում ենք թվարկել աշխատանքային պլանով և պայմանագրի թիվ 1 հավելվածով սահմանված միջոցառումների (այսուհետ՝ միջոցառում) շրջանակում կատարման ենթակա գործողությունները հաշվետու ժամանակահատվածի համար:

Հաշվետու ժամանակահատվածի համար կատարման ենթակա գործողություններն են.

- սոցիալական աջակցության տրամադրում,
- հոգեբանական աջակցության տրամադրում,
- իրավական աջակցության տրամադրում,
- կենցաղային սպասարկում և խնամք,
- բժշկական օգնության տրամադրում, այդ թվում՝ պոլիկլինիկայից դեղորայքի ստացում,
- ազատ ժամանցի, մշակութային միջոցառումների կազմակերպում:

2.2 Խնդրում ենք նկարագրել ծրագրի առաջընթացն՝ ըստ սահմանված աշխատանքային պլանի (Գանտի աղյուսակ) և միջոցառումների, նշելով՝ Ձեր կողմից իրականացված գործողությունները և ստացված արդյունքները հաշվետու ժամանակահատվածի համար: Որքանով են նշված գործողությունները նպաստել տվյալ ծրագրի խնդիրների/նպատակի իրականացմանը:

- Սոցիալական աջակցության տրամադրման շրջանակներում սոցիալական աշխատողի կողմից հաշվետու ժամանակահատվածում իրականացվել է 47 կարիքի գնահատում և վերագնահատում: Սոցիալական աշխատողի կողմից իրականացված տունայցերի ընթացքում աջակցություն է տրամադրվել թվով 47 շահառուի, ներառյալ 9 դեպքի վարման իրականացում (ընտանեկան նպաստ համակարգում վերափաստագրում, հրատապ օգնության դիմում, կենսաթոշակի ստացման եղանակի փոփոխություն): Հաշվետու ժամանակահատվածում իրականացվել է 4 ուղղորդում:
- Հոգեբանական աջակցության շրջանակում շահառուներին տրամադրվել է հոգեբանական խորհրդատվություն:
- Իրավական աջակցության շրջանակներում շահառուներին շարունակական տեղեկատվություն է տրամադրվել իրենց իրավունքների մասին:
- Կենցաղային սպասարկման և խնամքի ծառայություններից օգտվել է 30 շահառու: Հիմնվելով գնահատված կարիքների և շահառուի ինքնասպասարկման կարողությունների գնահատման վրա՝ շահառուներին տրամադրվել են հետևյալ ծառայությունները՝ աջակցություն անձնական հիգիենայի պահպանման հարցում, աջակցություն բնակարանի մաքրության պահպանման հարցում, աջակցություն գնումների իրականացման հարցում, անհրաժեշտության դեպքում ուղեկցում՝ գնումների, զբոսանքի կամ շահառուի կարիքի բավարարման նպատակով համապատասխան այլ վայր:
- Բժշկական օգնության տրամադրման շրջանակներում 47 շահառուի իրականացվել է տունայց՝ ուղղված շահառուների առողջական վիճակի վերահսկման, տանը առկա դեղորայքի պիտանելիության ժամկետի ստուգմանը: Հաշվետու ժամանակահատվածում անվճար դեղորայքի իրավունք և տեղաշարժման սահմանափակում ունեցող թվով 12 շահառուի համար բուժքրոջ կողմից կազմակերպվել է պոլիկլինիկայից դեղորայքի ստացում և փոխանցում շահառուին:

- Ազատ ժամանցի, մշակութային միջոցառումների կազմակերպման շրջանակներում կազմակերպվել է թվով 4 միջոցառում՝ 3 ծննդյան տոնի նշում, տարեցների միջազգային տոնի առթիվ՝ ամենատարեց 104-ամյա շահառուին շնորհավորում:

Խնդրում ենք նշել հաշվետու ժամանակահատվածում մշակված նյութերի համացանցում տեղադրված հղումները՝ առկայության դեպքում (օրենսդրական առաջարկություններ, համառոտագրեր, հաշվետվություններ, մեդիա պրոդուկտներ և այլն)

<https://www.facebook.com/photo/?fbid=212665481336424&set=pcb.212665558003083>

2.3 Խնդրում ենք ներկայացնել հաշվետու ժամանակահատվածում քաղած դասերը և/կամ ծագած խնդիրները, որոնք խոչընդոտել են ծրագրի գործողությունների իրականացմանը:

Հաշվետու ժամանակահատվածում միակ խնդիրը, որին բախվել է Ավան համայնքը սպասարկող թիմը դա շահառուներին միջոցառումների ներգրավման մեջ է. շահառուները ունենալով տեղաշարժման խնդիրներ՝ հրաժարվում են մասնակցել մշակութային միջոցառումներին, խուսափում են ակտիվ շփումների մեջ լինել այլ շահառուների հետ՝ հիվանդությունների տարածման մտավախությունից ելնելով:

2.4 Խնդրում ենք թվարկել հաջորդ հաշվետու ժամանակահատվածի համար նախատեսված գործողությունները (կցելով նաև շահառուների ցուցակը):

2.5 Խնդրում ենք նշել, Ձեր կողմից իրականացված այն գործողությունները, որոնք նախատեսված չեն եղել ծրագրի աշխատանքային պլանով, բայց իրականացվել են ծրագրի նպատակին հասնելու համար:

Ծրագրի նպատակին հասնելու համար աշխատակազմի հմտությունները զարգացնելու նպատակով իրականացվել են թիմային քննարկումներ, ընտրված ռազմավարությունների վերանայում, դեպքի վարումների իրականացման արդյունքների քննարկումներ:

Ավան համայնքի աշխատակազմից սոցիալական աշխատողը մասնակցել է Ավան վարչական շրջանի 2023 թվականի ծրագրերի հանրային քննարկմանը:

ՊԵՏԱԿԱՆ ՄԱՐՄԻՆ	ԿԱԶՄԱԿԵՐՊՈՒԹՅՈՒՆ
<p>ՀՀ աշխատանքի և սոցիալական հարցերի նախարարություն</p>	<p>«Առաքելություն Հայաստան» ԲՀԿ</p>
<p>Նախարարության գլխավոր քարտուղար՝</p>	<p>Նախագահ՝</p>
<p>_____ (ստորագրություն) Ս.Մուրադյան Կ. Տ.</p>	<p>_____ (ստորագրություն) Ե.Մխիթարյան Կ. Տ.</p>